



齋先生文集卷之三

詩

元旦枕上作上成

升沉榮悴信由天莫以私心攪自然人事盡時須委命
春風隨處詠新年

奉寄家兄

客裏屠蘇歲又周詩成無使悵悠悠春風偶得家山鴈
漫託鄉心遠故丘

寒食有懷九韶同小官奔喪至金陵

昨夜寒窓寐不成荒迷却憶舊遊情孤舟反側天涯夢

千里勞君兩眼青

共都抄書是業

發新在度

雲天雨歇亂山青
新綠添紅棹輕前後衣冠催上道
春風共作寫書行

船頭與瓊慶閑帆

江天暝漠鴈伊啞雲西烟村
鳥斜船頭驥子特同坐
久話令人忘弄沙

宿萬石渡示瓊慶及諸生

枉渚平林烟雨昏
一竿向春漲泊柴門
吾伊莫使剏功緩

共擬青燈入夜分

舟中小立

晴色微開遠近山
倚蓬開看鳥回還
數聲柔艣蒼茫外
又載吾伊過別灣

鍾陵城南江畔

江城終日雨如麻
病骨侵陵暖尚賒
晴色忽驚春似錦
偶泛此地看莼花

九蓮寺即事

竹樹深深隔世機
野人心事幸無違
簡編隨意開舒卷
盡日春窓獨掩扉

承大司成先生惠豫章文集抄錄已完偶成鄙句
閑學淵源夙所欽遺編伏讀更沉吟餘生苟得分毫益
總是先生嘉惠心

南浦登舟

漫託城南十日居禪窓松竹共清癯桃花晴漲移歸纜
載得新抄幾卷書

發南浦

齊謁江山遠近樓桃花晴映綠楊洲滿船盡是青襟客
誰道春風非勝遊

豐城史郎中宅

春風訪郗林青燈猶記舊時吟園重滿日人何似

高里淒涼瘴海心

史以叅謀軍事放于交世

宿龍潭

微雨沾鞍風滿襟長途無使客愁侵天光零影投裝處
流水高山是我心

宿吉塘

令弟遙迎自豫音難兄緣道候行裝素衣共喜無晴好
問水看山到吉塘

宿樟鎮靈峯寺

遙攜稚子訪名山多謝朋游伴往還
意更便良夜宿

光風霽日滿禪關

別吉塘

數家春樹鳥關關幾處青青雨後山勝槩倚樓人欲別
詩情多在有無間

經天井

晴指家山路時詢天井名春風迎馬首投轄二生情

重訪傅秉彝

日明風淡曠柔和紅樹村村逐望多笑指竹林白宿處
遙攜愛子抱琴過

宿沙溪

東風西風遠盍簪高堂清夜共瑤琴長歌不覺詩狂甚

一寫平生慷慨心

宿龍溪

燈火歡迎不憚勞夜深與馬度江臯虛窓一榻平安夢
人在春風醉碧桃

宿金鷄城前

紅葉歸心剛似飛相逢一酒別遲遲衣冠淳雅江山勝
到處何妨一賦詩

宿五峯

歌鞞遙白客游歸寶笏不蘭高月處處宜促席細聆石壽

話和風甘雨共忘饑

重經彭源

志原先生之居

舊日德鄉邦風所推爭誇玉葉映金枝風流雲散客來晚
立馬平橋獨步遲

自赤碭先隴後嶺循北原豐稔坑以出偶成絕句
童冠嬉諧歸去遲山風淡淡日斜暉登臨自愜平生樂
杖策振衣忘渴饑

游東山

原成先生老年久教授于此

貪看形勝不知疲徐步東山話昔時流水高山人已遠
尚餘清韻起遐思

別湖田

際曉晴開一葉舟故人高誼共悠悠回頭却憶沙頭別
寒收糝糊烟樹稠

宿山家

隔嶺望叢筠方塘宿白雲客心清不寐絃誦夜深聞
靈峯寺即事

松竹禪房深復深雲和夜度玉泉音冷然共得惺惺法
記取銀燈不寐心

宿白讓宅

仲

杖策歡迎荷老親候門稚子總欣欣獨憐露月光風夜

白雪陽春憶遠人

訪楊德全致政歸

罷郡歸時已白頭杖藜日看橘林洲客來蒼閣浮生事
明月清風酒一甌

宿厚郭胡氏

烟外微聞欵語聲馬前徐問二生名叩頭喜接平生交
推道難勝盛款情綠酒歌酣霜夜月青燈人在玉壺冰
巡簷更數高居好勝水佳山眼倍明

留別樟溪王大邦

桑梓連陰三百春重來謝別訪高門白頭相眷無他屬

劉貫詩書教子孫

宿城南慈慧寺

尋梅問竹繞城南喜得幽樓寄此龕詩罷杳無塵土念
怡然清夢入春酣

城南識別

滿寺衣冠霽色開青春華髮交映蓬萊鴻爪雪泥他日夢
江雲渭樹總悠哉

題臨江寺

霜蹄輕捷快晴光古寺時耽野趣長乘興不知沙徑水
題詩人在水雲鄉

石井山家

清溪詰屈逗雲蘿
白屋青烟綠樹多
散馬平岡人待爨
閒教稚子度雲和

夢中題畫龍

混闢乾坤動搖山
嶽霧雨幾千年
雲雷看一躍

秀才拜五六府君墓 二首

斷續崇岡野渡傍
朔雲寒日共荒涼
劫灰容易成今古
文獻凋零事渺茫

郭五名存事已非
斷畦荒塹一凄其
黃成雖有衡茅在
欲問前因總不知
郭五前時吾家牧羊者心絕黃成二看山者

奉別族里

舊鄉三載賴周旋
歸興朝來已浩然
莫恠迂踈臨別語
人間萬事讀書先

宿櫟原

移家又喜入青山
跋涉惟憐僕御難
風雨凍途策笠憊
茅齋烟火暫開顏

復居小陂

省墓歸來二載餘
青山綠水復相於
兩鄉故舊皆青眼
何處人烟不可居

元日感懷

山川依舊歲華新又見紛紛拜節人昨日兒童今皓首
嗟蛇羞看故園春

偶成

病軀倦長晝出門俯清湍倚筇坐濃樾支頤不勝冠遙
峯餘竒觀綵袖長颯寒呼兒授新句孤懷渺雲端

遊羅山

流水濺濺石峭稜天風嫋嫋景和平慙懃不惜躋攀力
絕嶺須教一共登

宿石橋宗人家

遙遙西蜀出長垣具宣公居西蜀唐長垣縣男吳兢之後
奕葉青

雲紳名幾百年今日石橋樓閣話青燈綠酒悵前緣

示兒

病多身愈蕙風志竟成空所屬惟吾子云何不着功

次任教授具寄詩韻

獨憐棗散濫時名何意珠璣落玉京側喜滿城新教化
男兒端不負平生

奉寄族里

琴劍南來接孟隣四橋桑梓託情親三年館穀春風裏
誰道今人乏古人

贈別周所

欲寫雜言久休吟一尊聊向菊花斟懸知南北天涯夢
總是平生舊日心

次任教授倡義哀賻英舍忠母子詩韻蕪說生烏
泮水橫經屬老蒼餘波重被困窮喪位卑正憶蕪山良
河廣俄驚馬一常賦曰屋梁感從壁立浮名蟻塚任天荒
我歎滄谷仁人利也爾遺孤勿太傷

除日記先

病骨支離不自任強將清酌共兒斟恍然今古喪其處
老淚難勝固極心

除夜獨坐

坐久寒爐嬾自撥倦來歲酒不成斟細看萬事無能處
空憶平生慷慨心

牧歸途中作 乙丑

夕陽歸馬正從容出峽時迎入峽風無數好峯羅遠近
朗吟身在翠屏中

贈王九鼎丹成還郡兼求任郡博 任以御史兼言職

歸騎翩翩大藥成野花啼鳥踏新晴繡衣時問衡門舊
老髮蕭疎學養生

又贈九鼎

離坎功成協太和微軀偏幸得春多何由廣假三生子

編起羣生遠近病

雨後神嶺晚眺

烟收雲歛夕陽殘
高下青松遠近山
白鳥自飛人自度
箇中真意澹忘還

贈鄒丘王三生

送送城西道踟躕
故意深一杯西解酒
聊贈白頭吟

題牛氏慈侍堂 予昔假館牛氏皆未有子今于且冠矣

高堂綵戲壽如山
簾幕春風燕語閑
今日老萊頭復雪
庭前依舊舞斑斕

重宿寶應寺彝公房

水看山偶獨來
西風重壓舊樓臺
光陰一紀如旋磨
又聽晨鍾動梵懷

留贈晉經歷 與先君厚小子交亦深

連簪錦里偶經過
華髮青燈敘雅多
更欲細聆先子夢
何時飛旆碧山阿

贈牛早

昨日追尋今已來
好懷端為故人開
懇懇更有平生念
羣茂河時訪翠崖

徐陵道中

作客秋成百里歸
重岡歇馬度逶迤
觀生恰喜心無事

緩數雲峯絕詩

送陳公田從軍江浦

慈母新成六子本
離歌欲唱意遲遲
四方總是男兒事
忠孝惟應五鼎之

送西華赤岡故郡遺址

羣峯翠嶽之朝陵
疊嶂蜿蜒落故城
城去山空年自換
十朝興廢一棋枰

同王九鼎省石井先隴

故郡城頭話十朝
飄然石井又聯鑣
高吟共得清秋興
日不知歸路遙

九月壬午承王九鼎同省石井先隴罷宿惠民藥

局丙丁夜虛堂隱几偶思及之因成此句

江山隨處倚高秋
一榻時從藥局留
明月滿城更向寂
緩攜兒子語街頭

樟溪即事

一上層軒味自涼
虛明更得讀書窓
冷然睡起闌開卷
白雪陽春四五章

重宿白楊寺

策馬平橋又問禪
萋萋春草月娟娟
蕭然一榻平安夢
夜半溪聲落枕邊

宿盱江郡庠

迢迢去鄉井長途日可畏朝辭白楊阪莫歷盱江涘一
枝失所託行邁更靡靡挹此泮宮賓傾蓋良偶爾舉觴
叙前緣剪燭開新製古人誠我師匪難固匪易誦言曰
惟熟析理尤宜細仁哉後獲心正誼寧謀利倪焉日孳
孳汨汨川自至

自慈明寺東遊龍安鎮

面面春山涌翠華灣灣流水漲晴沙客懷恰喜東游好
高下樓臺遠近花

慈明寺即事

倦客懷歸歸路難禪房起坐養衰殘忽驚青嶂嬋娟月
拄頰微吟獨倚闌

宿南城邑庠

風雨長途倦歸懷日浩然息肩芹水上端為廣文賢
寄題程氏春風堂

獨對寒檠事短吟有懷偏向故人深却因華扁生新感
惆悵春風萬古心

東窓獨坐有懷先友泰莊仲綸

舊游久矣憶晨星溪上梅花歲又更寂寞柴門多病際
平生雙眼為誰青

擬錢塘懷古

朔漠心旌日夜懸義旗遙駐此山川只疑春物芳菲處
莫是人間別有天

恩隆義重是君親忍着南冠一水濱頓首無衣誰者子
臥薪嘗膽迺何人

題芸閣示小兒璿慶

幽偏特啟芸香閣閣上工夫忙未忙後古共憂時易失
前程誰進日無疆光風霽月濂溪上瑞日祥雲洛水陽
戶牖盤楹思有戒拳拳餘意託新章

題雪窓示璿慶

篤志宜師古深功貴自今弄丸元是熟添火戒非欽歷
歷聖賢對昭昭上帝臨老懷何所禱細寫雪窓吟

題立雪齋

總總誰無無極員可勝師道日淪湮民生三事元如一
何訝當年立雪人

題樟溪書屋

桑梓陰陰接種湖湖邊心事寄俞都後予殺書風流雲
散春光莫幾對溪頭夜月孤

題烏岡別墅

烏岡元與柘岡連卜得幽棲慨昔賢棟宇謾題新歲月

烟霞仍是舊林泉
高山仰止從吾好
明德惟馨自古然
勿藥會須乘興去
為君細和武夷篇

題耕樂軒

風景依稀似有莘
東臯穀雨滿春田
箇中樂事人誰會
日用由來總是天

足成夢中絕句

夢中成詩忘前聯

放犢長村月正明
歸來暫喜病魂清
足成一衾幽夢春
風裏又度良宵三四更
夢

牧江家坑

殘經掛角日來游
遂谷青山處處幽
積雨草肥黃犢飽

善伊聲裏一晴鳩

江家坑偶成

羣芳深處綠陰涼
童冠相呼受講忙
又與山靈添故事
曾從此地說庄章

遊山

自二峯尖黃家坪至連珠嶺

盤盤樵徑入雲叢
選勝尋幽到碧空
不意羽翰生病骨
翩翩歸袂又乘風

東坑幽谷

山翁云日下構亭為教者避暑之作

崖傾谷轉水濺濺
物外乾坤自杳然
待得巔頭幽構畢
時時來伴白雲眠

東坑幽谷

東坑有幽谷，邈爾浮雲端。陰林白日靜，石溜寒澗潺。蒼苔人跡罕，好鳥時綿蠻。我遊日心醉，閑謔澹忘還。

大畚岡望撫州城，亦懷任潘諸廣文及五峯親舊。

亭亭古木轉繁陰，拂面清風晝滿襟。坐接水雲城郭近，新詩聊為故人吟。

題潘氏潭江先趾

時從官舍夢家鄉，先趾依稀事渺茫。欲託孝思知有在，潭江烟雨樹蒼蒼。

奉寄族叔父仲學先生

遊子歸時親倚闌，斑衣華髮近何如。生涯隨分田園好，日課諸孫讀父書。

懷晏黎二生

予嘗種胡時，晏海黎普為使，金鑑今亡。

風雨淒其客路賒，君心無事我心嗟。玉樓人去春寒落，幾對青燈念子華。

寄黃錫章教授

同安人江夏教授，初識同安，兵會江夏。

同安烟柳雜晴川，江夏清風十丈蓮。城中兩道池。此日相思頭總白，幾時重泛剡溪船。

憶少傅先生

少小親仁長事師，講帷無復再趨期。不眠此夜相思處，

敢忘平生刻骨辭

贈吳生歸觀鍾陵

白髮慈顏日倚闌青燈遊子正劬書朝來黃色眉端動
乾鵲聲中慶有餘

郡庠潘梁二廣文辱載酒偕往石井先隴小酌金
石臺而還

石井朝聯二妙來提壺燕歷古名臺長空冥漠杖新雨
含笑江山暢一杯

除夜書懷兼柬子貞九韶

溪上尋梅歸去遲虛堂呈剪燭坐題詩精神已是龍鍾後

涉歷翻思少小時幸得簡編常滿眼敢辭塵土暫侵衣
家山舊有良朋約試向東風一問之

戊辰元日

溪上尋梅雪乍晴溪頭流水已春聲呼兒旋滌芸窗硯
準擬新詩頌

太平

訪子貞九韶同話胡二宅

簾戶沉沉午夢餘新晴天氣景舒舒和風細拂家山袂
半日清談故友廬

追次少傅先生壽日詩韻

花盛春城錦萬枝

九天化日正遲遲

聖德超千古身幸儒冠際此時晨捧

絲綸歸玉笋夕陪鸞鷲泛金危宿齋預擬明朝直又悉

丹誠向

赤墀

輓盛山人

當年卜築鎮關心綠水青山幾訪尋不有高人符往古
何由勝槩見于今圖書映帶供多趣松竹週遭已茂林
却念驂溪雲黯淡立鞋何處覓登臨

贈婁諒歸上饒

二序

上饒郡庠生周仁婁諒承其府主命來學諒得
寒疾先歸裁此贈其行云

雅志諄諄在廣居賢侯盛德遠吹噓獨憐樗散空衰邁
飄澤何時重起予

壁沼以衡賴諸主成用力為詩以紀其成

躬事胼胝少長同忽於平地見崇墉溶溶春碧歌於物
不日還應越雨功

贈周文家歸

日講殘經味上香告歸情心忽依人
生萬事無不有

細誦前賢素位辭

程庸以種湖所書批字及鄙句見示悵然有作
陳迹依稀慨昔游寒窓遙夜意悠悠他年萍水重相念
何處西風獨倚樓

贈王九鼎還五出年

四年三度款柴荆更篤良朋未夜情每度九韶皆喜會別恨
又添他日夢生涯何處一浮萍

溪上偶成

偶爾閒行繞碧溪梅花開處詠多時固知道理平鋪在
方寸何容半點私

元日感懷 己巳

長風半夜卷頑雲霽色曛曛映雪分又感一元新惠澤
微吟隨處詠洪鈞

哭黃季恒

高誼真情三十年老懷何忍訣終天茫茫石馬江頭路
凍雨寒雲倍黯然

石泉開田

風雨蕭蕭小滿天四三策笠事新田箇中會得艱難意
細和幽風七月篇

病中有懷子貞九韶

老病懷思只故人故人疾病總酸辛如何得似平康步
選勝尋幽處處親

訪表兄鎖秉端伯仲

九韶同飲子三人皆辛未生

同里同年齋更同半生多故各西東清談偶得三人共
兩鬢蕭疎總是翁

訪表兄章二伯仲

長憶先君念母家慚予小子近如遐幸陪花萼相輝好
更喜螽斯世澤賒

小兒鳴琴

竹樹交加轉午陰衣冠秩秩院沉沉雪泥鴻爪他年夢

記得後容抱此琴

贈李生歸觀

并序

正統辛酉予自鍾陵假道湖茶歸種湖瞻坡陀
之麓有旌居焉後七年李生勗來請序其旗之
譜乃知其為大陂也回思舊游隱約如夢明年
李生勗學歸觀裁此以贈云

曾於道十瞻喬木他日遺文話大陂予古未遑重策馬
西風先唱觀親詞

牧歸馬上口誦

掛角殘經一解頤秋風新漸日斜暉會心偶爾微吟好

又向清流飲馬歸

九日同九韶飲子貞宅

平生佳節嗜狂吟
出岫方知學養心
不問菊花開與未
無端新興為君深

寄李宜之

城北南莊入夢頻
歲華偏感老懷新
孤吟展轉寒窓雨
尊酒何時共石人

客夜述懷

長轉絲安枕屢驚馬
金鷄忽送五更聲
江楓細雨斜風慶
總是衰憚古情

大同原牧歸後坊道中口占授小兒及曾正

斜穿香稻度秋山
細講殘經午始還
幸際時雍身少恙
明朝依舊此開顏

題小塘茅屋 并序

子昔侍親大學識李君元凱於上舍稠人中李
君罷官歸劍江先施以朱子感興之詩而致其
綢繆願交之意繼以族譜之故來訪小陂時年
幾七十矣虚心進善每見益親晉伯可愛豈欺
我哉近與其族孫恪談迺悉李君平生誤愛且
請賦其小塘茅屋焉嘗觀其世譜知諱琮侍郎

府君為小塘始遷之祖又觀其先文知府君為
有德之士所垂既裕嗣之者賢宜乎詩書其族
愈久彌彰也詩曰

茅屋何年占小塘宋元甲子幾星霜清門種德高徵士
紫誥推恩秩侍郎快睹雲來繩步武能令山水益輝光
一經從此尤珍重日向蘭階迓百祥

遊禪峯庚午

孟春時物泰條風應新律良辰豈重來嘉會那可忽膏
車飭謝後小子伊疇匹四人為疇兩人為匹幽賞歷嶇嶽勝覽
窮猶萃慕陶得自然鄙殷躬怪咄詠歸歡未央重遊

何日

遊南岡及下陂山水

朝出蘿谿坂夕返蓮塘曲烟樹眺參差岡巒媚重復道
泰物本小慮澹意自足山人留酌斟舊侶論心腹歸來
羨清夜雲和暢寒王

小憇覺溪徐氏

昔誦前賢傳今即高人居奉規賢子孫努力躬三餘

登黃柏最高峯

由聶家峯李家山而下小兒及亨慶烈生從

局促倦埃氛遊衍稀傳侶驥子能娛人慕韓耽岫嶺青
天卷片雲春山霽寒雨杖策不知疲魚貫何容與遂躋

凌霄峯徘徊以延佇長空極遐曛松陰相款語日晏澹
忘歸清風助高舉

牧黃嵐坑

朝來抱微病殘編減新課出門悵何之言歸無所作忽
乘谷口與偶此崇岡坐契彼造化微覺我頽齡情振衣
嘯歌烟村夕陽墮

遊黃嵐坑

桃李薰太和晴光爛如許寧知明日花不有宵來雨芳
原縱遊行呼童供咲語徘徊綠蘿峯悵望清溪淑皞皞
園同胞熙熙盡吾與悟彼靜者心樂此動時趣烟村

去邊曠色迷雲墅

和子云箭後覺得萬物皆有春意

將往黃嵐坑

微雨霽方原散步春溪曲歡呼及童堅策馬驅黃犢入
壠竹脩脩面岡杉簇簇展我懷中書坐向林間讀不有
巢許心那知箕穎躅但得風日佳朝朝來此牧

牧轉岡頭

寒雲陟崔嵬沉吟不知去塵襟蕭散逸興迷雲樹梅
殘誰氏花容張朝來雨潏牧左右來住事更相語預期
明日晴重作青山侶

遊龍門七寶寺

病軀愜物景動息頗自由下息風雨倦來貪山水幽穿
雲路窈窕搏空行道週危峯巖峯白疊嶂翠屏榻奕我
遺世想遂此物外遊

題素菴

正統辛酉冬予歸自鍾陵息肩湖莽李氏南溟
飭其宗以迓禮于從子世熙之堂崔氏文獻翁
古服來臨酒數行懽然賦詩而別後七年南溟
脩世譜話舊小坡索素菴太書以歸又二年持
以求賦詩曰

點虛靈天地參忍將至貴墮春酣請看天澤初爻旨

皇朝著龜與指南

題厲齋 并序

予寓種湖時將拜願菴胡先生於豫章李生恪
在館下屬兒輩致其尊府世熙及其外祖默庵
崔翁願識之勤歸途乃遂其請明年二公冒風
雨復予剡水至則予去矣屢有期於小陂而翁
向老耄近世熙過我翁則物故俯仰疇昔不能不
為悵然也茲賦世熙厲齋之詞雖以勗李氏尚
亦有激於崔云

常弦何用佩諸身矯枉扶偏各有因細向堪輿觀萬物

反躬皆足熟吾仁

不寐

愁來不成夢，夢回心耿耿。定力嗟學微，長夜誰予警。

同熊生渤牧後坊因登絕嶺

節候適清和，田家雨新足。芳林牧馬來，露草萋以綠。乃有儒一生，吾伊蔭脩竹。暢我仁知心，躋攀散遐躅。一覽長天雲，真趣良可掬。

同諸生遊陰源

山水夙所歆，朋游固其好。風雨雖滯淫，窮源竟須到。幽意蔚沉沉，歸懷晴浩浩。良辰不可常，更擬山陰棹。

新堂即事

平生山水心，於焉得休卜。一堂雖甚卑，素意良自足。坐看風雨來，已喜無霑漉。賦詩紀吾成，古人有芳躅。

題凝翠字後

游衍趣良時，歡心慕浴沂。飽耽山水趣，書罷更留詩。

登連珠峯

閣中罷鳴琴，芳筵謝斟酌。捫蘿一蹇裳，竒峯酬素約。天風起蕭條，山雨來溟漠。時馳千里目，四際雲烟薄。會當斯結亭，勝覽翔寥廓。

同諸生游倒桐墳

東臯霖甘澤我心日悠悠出門玩時物因之白雲丘行不知遠遂歷群峰頭浩歌酣萬態斜景風颼颼眷言顧諸子去矣仍夷猶渺然出塵想竒功歸一游

沼上編茅為亭取程子秋日之詩名曰自得夜坐其中因成此句

幽懷不能寐攬衣造新亭曲池湛華月芳樹還冥冥羣峯遠映帶一水近回縈坐久歡未竟夜迥氣逾澄寂感玄化微伊洛歆餘馨

夏日偶成

卧痾止衡門何以娛長日卷舒架上書游戲閑窓筆南畝課農餘東園雜蔬畢務我分宜然無勞知難必道泰身自亨作德心斯逸長歌書座隅庶用箴吾失

遊石牛埠

時止時行任自然離離香稻小春天微蹤何足符佳夢自是民彛篤好賢

贈別熊崇義

不憚風霜跋涉遙翩然來訪白雲橋嘉賓盛處歸懷好茂對良辰話久要

題李章勉學齋

浮生事業易蹉跎百歲光陰定幾何不覺秋霜空滿鬢

玩君華扁謾高歌

攜小兒方家坪拜先隴

曾祖妣顏氏祖妣章氏

方家坪側接蓮塘二代銘旌託此藏孱薄每慚荒世德
聞儀空感孝思長

寄朱孟直教諭

青春桃李憶成均兩造高門劍水濱聞說軒車能我顧
無端舊夢欲書紳

楊溪故居

童稚長懷故里居顧瞻茂草向桑榆溪頭細接雲仍話
勉爾重新教子書

曲岡道中

走馬寒村獨過壯懷暮景悵如何梅花滿眼無人問
謾對斜枝一放歌

狹原洪氏

芒鞋又作葛天民童冠追隨五六人綠樹池塘接轄處梅
花如雪晝如春

雪夜偶成

四簷風雪夜漫漫獨坐殘爐對歲寒細憶吳庭詩思切
是知仁者敢偷安

中原橋黃氏

憶年童稚飽經過千百光陰
示若何萬事悠悠空白髮
一杯慷慨為君歌

溪上偶成

萬緣由命不須嗟
遮莫飛騰莫景斜
偶度小橋流水曲
緩從梅下玩孤花

康齋先生文集卷之三

